



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 47. Concilium Avenionense.

[urn:nbn:de:hbz:466:1-66406](#)

Sæcul. XIII. jicit, fiammis traditus peccata sua ex.
A.C. 1209. piabit. Si mentitur, iisdem fiammis
 consumtus perfidiæ pœnas dabit. Ergo
 ambo firmis vinculis stipiti alligantur,
 & tyro interrogatus, in qua fide mori-
 turus esset, respondit: Moriar in fide
 sanctæ Romanæ Ecclesiæ, & precor Deum,
 ut iste ignis mibi pro Purgatorio sit.
 Tum lignorum strui ignis subjicitur, quo
 Hæreticus ille, qui perfectus dicebatur,
 uno momento in cineres redactus est;
 Tyronis autem sola vincula, quibus te-
 nebatur, ardore resoluta sunt, & ipse in-
 columis exiit, nisi quod extremi digito-
 rum articuli aliquantum adusti videren-
 tur. Idque omnes miraculum credide-
 runt. Elapso exinde modico temporis
 spatio, Duce Burgundiæ quoque ad sua
 revertente, solus Comes Monfortius
 cum triginta circiter viris Equestribus,
 & quibusdam Peregrinis, qui ex Francia
 advenerant, perststit.

§. XLVII.

Concilium Avenionense.

to. II. Conc.
p. 41.

Eodem anno millesimo ducentesimo no-
 no, die sexta Septembris, Hugo
 Episcopus Rejensis, & Milo Papæ Nota-
 rius, uterque Sacræ Sedis Legatus, Con-
 cilium Generale Avenione, præsentibus
 Archiepiscopis Viennensi, Arelatensi,
 Embrodunensi, & Aquensi, Episcopis vi-
 ginti,

ginti, compluribus Abbatibus, aliisque Sæcul. XIII.
Præsulibus præsentibus, celebrarunt, in A.C. 1209.

quo Canones viginti promulgati. In primo monentur Episcopi sæpius & maiore cura quam huc usque in suis Diœcesibus verbum Dei prædicare, eorumque negligentia adscribitur, quod Hæreses pullulent, & Fidelium mores corrumpantur. Conceditur tamen licentia, qua alios ad populum dicere jubent, ubi expedire videbitur. Varia statuta superiorum temporum, adversus Hæreticos & Judæos, Libertati Ecclesie, & securitati publicæ necessaria, confirmantur. Festorum scandala removentur, cum in Ecclesiis, incidente Sanctorum vigilia, saltus Christianam modestiam & honestatem lædentes celebrarentur, & cantiones, Venerem oientes, proterve recitarentur. In poenam atrocissimæ cædis, qua Petrus de Castro novo, & Godefridus Canonicus Genvensis sublati fuerant, omnes Intercessorum propinqui usque ad tertium generationis gradum a cunctis Beneficiis Ecclesiasticis excluduntur. In eodem *Hist. Albig.* Concilio cives Tolosani excommunicantur, quod promissum coram Legato, de ejiciendis Hæreticis, non implessent. Comes Tolosanus quoque sub condizione excommunicatur, si vectigalia, quæ dimiserat, repetere vellet. Ceterum

c. 2.4.

c. 17.

c. 20.

Hist. Albig.

c. 33.

c. 39.

M 4

Milo



Sæcul. XIII. Milo Legatus Montispeffulani in hyeme
A.C. 1209. anno millesimo ducentesimo nono mor-
tem oppetiit.

§. XLVIII.

Societas pauperum Catholicorum.

Inn. XI. ep. 199. 15. ep. 90. A nno superiore millesimo ducentesimo
octavo quidam nomine Durandus
de Huesca, Gente Arrago, cum quibus-
dam aliis, subiit conspectum Innocentii
Papæ, qui benigne exceptos, & auditos,
Catholicos esse censuit. Nihilominus,
ut cautissime ageret, jusjurandum &
scriptam fidei Confessionem ab eis pe-
tiit, in qua recipiunt tria Symbola, vi-
delicet, Apostolorum, Nicenum, illud-
que, quod S. Athanasio tribuitur. Con-
fidentur, Deum esse Creatorem rerum
tam corporearum quam spiritualium, &
tam Veteris quam Novi Testamenti Au-
torem. Ab ipso missum fuisse Joannem
Baptistam, Virum sanctum & justum.
Vere non sicut Filium Dei fuisse incar-
natum, passum, mortuum, ac a mortuis
fuscitatum. Unicam dari Ecclesiam,
Catholicam Apostolicam & Romanam.
Sacramenta in Ecclesia celebrata a vir-
tute Ministri non pendere.

Præterea confidentur : Recipimus
Baptismum parvulorum, & Confirmatio-
nem, quam dat Episcopus per manum
impositionem. Credimus in Sancto Sa-
cristio